



Broj: 02-11-1856/25-AP-6
Datum: 22.09.2025. godine

Na osnovu člana 17.stav 1 i član 18. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24), člana 14. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 12. Privremene statutarne Odluke Grada Zavidovići („Službeni glasnik Grada Zavidovići“, broj: 4/22), u predmetu dodjele ugovora o javnoj nabavci roba „Nabavka i ugradnja dekorativnih trodimenzionalnih slova izrađenih od inox-a sa pripadajućom montažom“, Gradonačelnica donosi:

ODLUKU

Član 1.

Prihvata se preporuka Komisije za javne nabavke, te se Ponuda ponuđača „Tisakomerc“ d.o.o. Žepče za javnu nabavku roba „Nabavka i ugradnja dekorativnih trodimenzionalnih slova izrađenih od inox-a sa pripadajućom montažom“ sa ukupnom cijenom od 25.500,00 KM (slovima: dvadesetpethiljadapetstotina i 00/100 KM) bez uračunatog PDV-a, odnosno 29.835,00 (slovima: dvadesetdevethiljadaosamstotinatridesetpet i 00/100 konvertibilnih maraka) sa uračunatim PDV-om, prihvata kao najpovoljnija ponuda.

Član 2.

Izabrani ponuđač dužan je u roku od 5 (pet) dana od prijema ove odluke dostaviti dokumentaciju propisanu tenderskom dokumentacijom u originalu ili ovjerenoj kopiji.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-1856/25-AP-2 od 03.09.2025. godine pokrenut je postupak dodjele ugovora za javnu nabavku roba „Nabavka i ugradnja dekorativnih trodimenzionalnih slova izrađenih od inox-a sa pripadajućom montažom“, putem konkurentskog zahtjeva za dostavu ponuda za koji je dana 04.09.2025. godine upućeno Obavještenje o nabavci broj 1374-7-1-185-3-153/25 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 15.09.2025. godine do 12,00 sati dostavljene su 3 (tri) ponude i to ponude slijedećih ponuđača po prijemu prispjeća:

1. „MK ALU PLAST“ d.o.o. Zavidovići,
2. „SES“ d.o.o. Sarajevo
3. „Tisakomerc“ d.o.o. Žepče

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocjenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda, broj: 02-11-1856/25-AP-2 od 15.09.2025. godine i Zapisnik o ocjeni ponuda, broj: 02-11-1856/25-AP-3 od 15.09.2025. godine.

U postupku javne nabavke utvrđeno je slijedeće: da je ukupno pristiglo 3 (tri) ponude, sve ponude su blagovremeno zaprimljene. Ponude ponuđača „Tisakomerc“ d.o.o. Žepče i „SES“ d.o.o. Sarajevo su formalno ispravne i tehnički zadovoljavajuće.

Ponuda ponuđača „MK ALU PLAST“ d.o.o. Zavidovići je od strane Komisije za javne nabavke ocjenjena kao neuredna jer nije sačinjena u skladu sa uslovima iz Tenderske dokumentacije broj: 02-11-1856/25-AP-3 od 03.09.2025. godine. Uvidom u ponudu ponuđača „MK ALU PLAST“ d.o.o. Zavidovići utvrđeno je da ista nije pripremljena u skladu sa tačkom 3.1.2. Tenderske dokumentacije broj 02-11-1856/25-AP-3 od 03.09.2025. godine. Ponuđač uz izjavu o ispunjenosti uslova iz člana 45. stav (1) tačka od a) do d) ZJN nije dostavio obične kopije dokumenata iz tačke 3.1.3. TD. Članom 57. stav 1. Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije što ponuđač, shodno gore navedenom, nije učinio. Članom 68. stav (4) i) Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, dana 19.09.2025. godine, Komisija za javne nabavke Grada Zavidovića dostavila je Dopunu zapisnika o pregledu i ocjeni ponuda nakon e-aukcije, broj: 02-11-1856/25-AP-4 od 19.09.2025. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„Tisakomerc“ d.o.o. Žepče	25.500,00 KM
2.	„SES“ d.o.o. Sarajevo	25.600,00 KM

Ponuda ponuđača „Tisakomerc“ d.o.o. Žepče u postupku javne nabavke roba „Nabavka i ugradnja dekorativnih trodimenzionalnih slova izrađenih od inox-a sa pripadajućom montažom“, sa ukupnom cijenom od 25.500,00 KM (slovima: dvadesetpethiljadapetstotina i 00/100 KM) bez uračunatog PDV-a, odnosno 29.835,00 (slovima: dvadesetdevethiljadaosamstotinatridesetpet i 00/100 konvertibilnih maraka) sa uračunatim PDV-om je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci roba „Nabavka i ugradnja dekorativnih trodimenzionalnih slova izrađenih od inox-a sa pripadajućom montažom“ te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Akt pripremio: _____
(Anel Skehić)

Akt pregledao: _____
(Midhat Bajramović)

Akti pregledao: _____
(Nermin Čahtarević)

GRADONAČELNICA

mr. iur. Erna Merdić Smailhodžić

